



08765

薄海番域錄

古蕃三

山左武定郡

大緯星巖

氏述

乘

河套

三面隴黃河東至山西寧武府偏關縣偏頭關

西至甘肅寧夏府相拒二千里南至邊牆北至黃河

遠者八九百里近者二三百里周之朔方漢之定襄

土肥饒可耕桑夏赫連勃勃趙元昊所據勃勃于奢

延水之北黑水之南築城曰統萬唐築受降城在河

套之北明正德以來寢失其險舍受降而衛東勝又

撤東勝而就延綏險要既失綿遠難支河套遂為虜

古蕃

卷三

既脫巢穴其中按明初蒙古諸部遁河外居漠北延綏無事正統後王驥兵次甘州申嚴號令河套以寧然間一渡河守將王禎始築榆林城去河套三百里割沿邊一帶營堡墩臺二十四所調兵分戍景泰初犯延慶不敢深入天順初也先為哈剌所殺有孛來癘王子殺哈剌求脫脫不花子立之號小王子未幾弑之而大酋毛理孩阿羅出少師猛可皆與孛來相仇遂殺孛來立小王子從兄脫思為王三酋始入河套至是阿羅出掠邊境人為向导因知河套所在遂

盤踞出沒成化元年大入延綏項忠楊信禦却之四年阿羅出爲其黨亂加思蘭所殺併其衆而結元孽滿魯都入套六年勅王越總關中軍務議搜河套九年滿魯都忽寇韋州越偵知其老弱盡行巢于紅蓋池可取也乃與許寧周玉率輕騎晝夜三百里襲擊之斬級四百燒其廬帳而還賊相與悲泣渡河北去正德改元起楊一清總制銳志恢復疏上六事悉中機宜請復守東勝據河套水草之利逆瑾惡而罷之嘉靖初套騎二萬自井兒堡撒牆入固原平涼涇州

古蕃

卷三

八年大掠榆林寧夏自是邊報無虛歲二十六年總制曾銑條上復套方畧十八事上褒賞命集議施行夏言力主之會嚴嵩與言有隙因災異疏陳銑開邊啟覺言表裏誤國仇鸞復詰之遂棄銑帑而並斬言天下究之嗣後虜酋盤據其中滋其畜牧遂其生養目爲樂土矣一旦欲逐之出境虜肯袖手帖服空套以出乎於是終明之世不能收復云

哈達

盛京奉天府北哈達國萬汗姓納喇其國原名唐倫後建國于哈達地因名哈達乃吳喇貝勒始祖

納齊卜祿七代孫也其祖克習納都督爲族人巴代達爾漢所害萬奔席北部相近之綏哈城居焉其叔王任外蘭奔哈達至其部落後爲叛者所殺其子博爾坤舍追殺其人以報父仇迎兄于綏哈城爲部主萬于是攻取附近諸部還者又招徠之其勢乃盛遂稱汗國號哈達其時葉赫烏喇輝發及滿洲之渾河部俱屬之萬爲人殘暴黷貨無厭羣下效尤抗害諸路以故所創基業即自敗其民多叛投葉赫先附諸國皆叛萬卒子扈爾干立八月卒弟康古魯立卒弟

古蕃

卷三

三

孟格布祿繼之我

太祖高皇帝天命己亥年滅之盡服其屬城時明萬歷之二十七年也

輝發

盛京奉天府北輝發國本姓益克得里原烏龍

江岸尼馬察部人始祖昂古里屋吉力自黑龍江載木主遷于渣魯居焉有扈倫人噶揚噶圖墨土姓納喇氏居於張他因附其姓罕七牛祭天改姓納喇屋吉力生子二長留臣次備臣備臣生納領噶耐寬納領生拉哈都督拉哈都督生噶哈禪都督噶哈禪都

督生齊納根達爾漢齊納根達爾漢生王機斡王機斡招服輝發諸部于輝發河邊扈爾奇山築城居之因名輝發其時蒙古察哈爾查達克圖土門汗自將圍其城不克而還王機斡貝勒卒孫拜昔達里殺其叔父七人自爲貝勒天命丁未年滅之

烏喇

盛京奉天府東北烏喇國本名扈倫姓納喇後因建國烏喇河岸故改名始祖名納齊卜祿生商堅朶爾和齊商堅朶爾和齊生加麻喀碩朱古加麻喀碩朱古生綏屯綏屯生都爾機都爾機生子二長克

古著

卷三

四

習納都督次古對朱顏克習納生轍轍木轍轍木生萬古對朱顏生大蘭大蘭生布顏布顏盡服烏喇諸部築城于烏喇河岸洪尼地自稱貝勒生子二長布干次傳克多布顏卒子布干立卒子滿太立至滿太弟布占泰天命癸丑年滅

葉赫

盛京奉天府北葉赫始祖蒙古人姓土默特初滅扈倫國所居張他之納喇姓部遂據其地冒姓納喇後遷葉赫河岸建國名始祖星根達爾漢生席爾克明噶圖席爾克明噶圖生齊生噶尼齊生噶尼生

顯教褚孔格褚孔格生太杵太杵生子二長青佳弩次楊
高宗吉弩兄弟綏服葉赫諸部各居一城哈達國人多歸
之青佳弩楊吉弩皆稱貝勒明萬歷十二年寧遠伯
李成梁受哈達賂誘青佳弩楊吉弩至開原殺之青
佳弩子布寨楊吉弩子納林布祿各繼父爲貝勒成
梁屢攻之不克及納林布祿弟金台吉布寨子布揚
古嗣爲貝勒天命四年己未亡

西藏 四川雅州府西南古曰烏思藏即唐古忒前藏

名曰布達拉距京師萬里乃坤維極遠之地天文入

古蕃

卷三

五

井三十度四時觀北斗祇見其半南極出地十六度

唐高宗以宗女文成公主妻其國王始封爲海西郡

王康熙五十九年平定西藏

敕封康濟龜爲貝勒阿爾布爲貝子隆部鼐爲公頗羅鼐

以軍功疊邀

恩命封至郡王領藏事子孫世襲焉乾隆十五年謀逆伏

誅藏王之僭遂除

高宗以其地

賜達賴喇嘛管轄以後藏屬班禪額爾德尼佛管轄國人

酷信佛法自收封後頗稱寧謚班禪任札什倫布距
前藏一千餘里乾隆四十五年入覲

賜四體字玉冊玉印五十九年仍還札什倫布駐錫其地
與廓爾喀接壤故貿易多西洋貨物行使銀錢每枚
每一錢五分五十八年奏准在藏設局鼓鑄

賜名寶藏局四川總督派員往董其事面鑄乾隆藏寶四

字

金川

金川僻在四川省城西南隅爲漢冉駝外徼隋

置金川縣唐屬維州今茂州雜谷廳也至明隸雜谷

古蕃

卷三

六

安撫司西北通甘肅回部西南控三藏其地高峯挿

天層疊翹復中有大河用皮船筏橋通往來山深氣

寒多雨雪所種惟青稞蕎麥其番民皆築石棚以居

典綽斯甲布等九土司壤相錯康熙五年其土司嘉

勒培爾巴內附給演化禪師印俾領其衆後其庶孫

蒞羅奔以上舍率兵從岳鍾琪征羊崗有功授爲安

撫司蒞羅奔既得官號自稱大金川以舊土司澤旺

爲小金川於是有大小兩金川之稱金川原名促浸

噶拉依爲其巢穴舊官寨在勒烏圍小金川原名攢

拉美諾爲其巢穴今析促浸爲綏靖崇化二屯析釐
拉爲懋功撫邊章谷三屯自灌鄴至金川有兩道一
由汶川之桃關出口爲大道塘汛外百里無人烟銀
餉所經一由汶川之牛頭山出卧龍關爲小道商賈
奔走絡繹不絕然每至一程居民歇店僅有數十家
常有絕糧患往年征金川時進兵分五道一由灌縣
至懋功爲東路一由打箭爐至章谷爲南路一由雜
谷至撫邊爲西路一由緯斯甲布至綏靖爲北路一
由木坪至鄂克什爲中路初兩金川有夙怨不甚聯

一著

卷三

七

絡劃控卡山梁爲界後金川日強遂越控卡佔踞小
金川之大牛廠小金川畏之退保小牛廠小金川本
恃控卡爲保障至是滋懼遣使卑詞厚幣結婚姻爲
唇齒國莎羅奔尋以女阿扣妻澤澤旺歸旺懦爲妻所
制乾隆十一年莎羅奔劫澤澤歸奪其印總督慶復
檄諭始還澤旺于故地十一年又改革布什咱及明
正土司巡撫紀山遣將彈治不奉約反傷我官兵奏
請進剿

上以黔督張廣泗征苗有功調川督用兵大學士公訥親

往視師將相不和致僨事

命大學士傅恒往經畧至則斬良爾吉阿扣斷賊內應刻期進勦是時茲羅奔居勒烏圍其兒子卽卡居噶拉依懼請降

上受之遂罷兵無何卽卡至土司事不數年漸狂悖二十三年逐韋布什咱土官及澤旺之子僧格桑于吉地又數侵境不已未幾轉以女妻僧格桑兩金川由是狼狽爲奸矣澤旺老且病事皆歸僧格桑已而卽卡死其子索諾木益凶狡與僧格桑相勾結三十六年

古蕃

卷三

八

索諾木計殺韋布什咱土官並攜其妻僧格桑再攻鄂克什侵及明正土司當事遣兵護鄂克什僧格桑遂與官兵戰事聞

上以前此出師本以救小金川今小金川反肆逆罪不可赦乃

命溫福桂林赴蜀共討賊美諾旣克巢穴掃平逆酋僧格桑逃匿金川遂與金川鉤聯一氣潛召降番爲內應外合計致有木果木之失

上乃授阿桂爲定西將軍豐昇額明亮爲副將軍分三路

進兵四十年十二月十七日大軍逼噶拉依索諾木之母阿倉姑阿青及其姊妹皆來降知索諾木莎羅奔並造謀之頭人丹巴沃雜爾皆在圍中巷諸賊愁惡已極故天使之羣聚一隅使我得一網盡之無遺漏也時大兵合圍立柵周數里無一罅可竄出密如網又鑄大礮轟擊連日夜不止礮所著輒洞牆壁數重復斷水道以困之索諾木益惶窘使其兄岡達克及朔諾穆彭楚克先詣營乞哀索諾木復懼死不敢出四十一年正月岡達克遣人往諭仍稱病堅匿碉

古蕃

卷三

九

中我軍攻益急二月四日計窮乃率莎羅奔甲爾瓦沃雜爾斯巴丹及其妻並兩大頭人丹巴沃雜爾阿木魯等挈大小頭目及番衆二千餘人出寨捧印跪獻軍門金川平先是賊勢聲揚言寨破當舉家自焚死至是竟無一自戕者悉就俘大功告成

御製碑文四篇一刻太學一刻美諾一刻勒烏圍一刻噶拉依設鎮安營駐官兵鎮金川地復定各土司万年入覲例自此各番畏威懷德保寨守邊西南陲永久寧謐億萬年長享太平定于此矣

臺灣

今福建臺灣府自古不隸中國文獻通考云泉

州之東有島曰澎湖澎湖旁有毘舍耶國蓋即是也
明嘉靖中海賊林道乾爲俞大猷所逐遁入臺臺皆
土番道乾不樂居其地殺番取其血固舟人占城天
啟中有奸民顏思齊引日本倭據之鄭芝龍附焉遂
爲巢穴芝龍泉人也侵漳而不侵泉故漳人議勦而
泉人議撫兩郡相持久不決寇愈橫上爲之逮治巡
撫朱一馮舊撫朱欽相總鎮俞咨昂等已而芝龍悔
禍崇禎元年就撫于兩廣總督熊文燦以其地僦有

古蕃

卷三

蘭紅毛夷我

朝順治初大兵下閩芝龍降其子成功不從據金門厦
門諸島屢爲患十六年自江南敗歸十八年夏遂襲
取臺灣時荷蘭固守不肯下成功告之曰此地本先
人故物我欲得之耳金帛悉以歸汝荷蘭乃攜貨去
成功名臺灣曰東都設天興萬年二縣康熙元年成
功死于錦襲改東都爲東寧縣爲州其地肥饒穀歲
三熟閩粵人爭趨之日富庶錦據以擾沿海地無寧
歲二十年錦卒子克爽襲爲將軍劉國軒鎮澎湖二

十二年我靖海將軍施琅克澎湖克瑛國軒降乃
臺灣府及臺灣鳳山諸羅三縣其地東倚山西傍海
北自雞籠山對峙福州之白犬洋南自沙馬崎對峙
漳之銅山延綿二千八百里西南一片沃野自海至
山淺濶相均約百里西東穿山至海約四五百里
巒疊嶽皆生番所居打鹿爲食不隸版籍也六十年
奸民朱一貴倡亂郡縣皆失一貫稱義王僭號永和
閩督滿保遣提督施世標總兵藍廷珍以萬七千兵
入平之俘一貴雍正元年以諸羅北境遼濶增設彰

古蕃

卷三

十一

化縣及北淡水同知六十餘年以來地大物賡俗日
益淫侈奸宄因芽蘖其間乾隆五十一年彰化有林
爽文者恃其所居大里杙地險族繁閩廣間故有所
謂天地會者爲奸徒結黨名目爽文借以糾約羣不
逞之徒嘯聚將起事太守孫景燧等至彰化率兵往
捕不敢入諭村民擒獻否則村且燬先焚數小村枕
之被焚者實無辜也爽文遂因民之怨集衆夜攻營
全軍盡沒時十一月二十七日也明日賊乘勢陷彰
化十二月六日又陷諸羅鳳山有莊大田者亦盜魁

乘亂起十三日陷縣城惟府城有總兵柴大紀等固守賊屢攻不能破而彰化之鹿港賊已遣僞官來監稅有泉民林湊等起義擒之是以府城鹿港兩海口未失諸羅爲南北之中大紀復諸羅遂守之爽文必欲陷之五十二年自六月中攻圍連日夕不止大紀與諸羅士民拒守凡百餘戰幸皆不大颯然已饑瘵不能支孤城將旦夕陷矣

上以諸羅被圍久特改名嘉義以旌士民即調陝督福康安爲將軍及內大臣海蘭察來統兵十一月八日福

古蕃

卷三

十二

將軍起行賊方列拒于崙仔頂海蘭察發矢殪十餘賊賊即披靡笑曰此一羣犬耳何畏遂麾兵入沿路復擊殺賊之伺隙者至牛稠山再敗之即以是日抵嘉義城中有山名小半天者四面陡絕賊遁而聚此十八日又克之遂遁歸大里杙已築土城頗堅二十四日官兵至賊猶數萬出拒退而復集者始旣夕我兵伏溝坎間賊萬炬來索戰我兵在暗不能見而我兵視賊則歷歷可數發槍箭無不出自知失計遽滅火復擊鼓來攻我兵又從鼓聲

之殺死無算黎明遂克其城爽文已攜孥走據守集
集埔其所預營拒險處也十二月五日官兵騰而上
殺千餘人於是賊黨皆潰爽文先匿其孥于番社帷
與死黨數十人竄窮谷叢箐中十三日先獲其孥五
十三年正月四月爽文潛出覓食遂擒之而莊大田
雖與爽文同逆又各自號召不下乘官兵未南益焚
掠聚糧爲旅拒計已又思出降計未定而將軍已于
十六日至牛莊大田倉猝出拒敗而走連蹶之于大
武隴大目峰南潭中洲大小岡山水底寮連戰皆捷

古蕃

卷三

十三

極南有地名卽嶠者負山臨海最遼阻大田力不支
與其黨潛匿焉將軍先遣水師由海道繞而截之于
水自以大兵環山圍之賊衝突不得出陣殺者數千
溺海者數千擒而戮者亦千餘大田亦就獲臺灣平

打箭鑪

在四川成都府西南九百二十里相傳諸葛

武侯南征遣偏將郭遠造箭于此山脊中有郭遠廟
極著靈應土人敬奉維度天文分野并鬼之域爲中
華之極西西域之極東天時多寒少許層巒峻嶺峭
壁懸崖中隔通河形勢險峻

國朝添設軍糧廳分駐鑪城專司吏務兼理五臺糧運
明正土司甲克木參同駐于此轄十二鍋莊約束新
附土司乾隆丙午

敕建惠遠廟于以四山麓金碧輝映光照山谷番民所居
礪樓亦極宏壯鑪定橋在飛越嶺西南六詔孔道橋
跨兩山間瀘水經其下不施梁柱鎔鐵鍊爲橋每鍊
重二千四百斤長二十四丈有奇濶六尺以九鍊爲
橋身四鍊爲護欄欄穿小鍊如卍字形畧鋪薄板以
濟行人每板離尺許滿則恐爲狂風鼓蕩兩崖埋鐵

古蕃

卷三

十四

柱四橫木以縮鐵鍊每柱鑄鍊柱斤重每柱重四萬
八千斤全州有王姓者世業鍛能懸鑪于鍊鼓鞴
施鎚名曰飛火遇有損壞輒召令興修他姓不能也
按打箭鑪故旄牛徼外地也旄牛今雅州府清溪縣
自雅州西去五百九十里至大渡河五日程羌蠻混
雜連山接野鳥路沿空漢永平中白狼槃木唐苻等
百餘國舉踵奉貢越山坂負襁而至皆此種類蜀漢
時武侯征孟獲于此造箭因名打箭鑪唐韋臯拒吐
番李德裕拒南詔皆扼大渡河爲險要宋建隆三年

王全斌平蜀議欲因兵威復越雋藝祖以玉斧畫所
繪圖曰外此吾不有也于是爲黎雅之極邊曩時河
道平廣可通漕舟自玉斧畫河之後河之中流忽陷
五六十丈河流至此澎湃如瀑從空而落春撞號怒
船筏不通名曰噎口殆天設險以限羌蠻也元明時
番人俱于此地互易茶馬自明末流寇之變商民避
兵過河挾茶貿易而烏斯藏亦適有喇嘛到蘊彼此
交易漢番襍處于是有坐鑪之營官管束往來貿易
諸番戎

古蕃

卷三

十五

朝定鼎德威所播直通西域打箭鑪一區盡入幅員矣
香山壘 在廣東廣州府香山縣大海中即壘門忽起

一石硬廣十餘丈長六里許首尾相屬不斷如蓮之
有莖中途甕城名關閘踰之抵壘門則如蓮萼番人
依山築城廣袤四五里三面皆臨巨浸惟北通地脉
一莖耳海中諸峯包裹前十里爲十字門如兩眉橫
列而飲其正中又南十里爲小橫琴寨溢口又南稍
折西爲大琴重案也番人之停泊必于灣灣之所在
即名澳香山故有澳名浪白諸番互市其中而今之

壘門則舊名濠鏡地有南北二灣明萬歷中有大西洋人至此樂之遂請濠鏡爲澳而就二灣停泊久之益自彼國遣衆聚居歲輸稅五百金我

朝除之番人安其業者已數世所居率依山爲樓三層方者圓者三角者六角八角者俱爲螺旋形以入其教曰天主其寺曰三吧高十餘丈于屋側啟門戶石作雕鏤金碧照耀寺僧曰法王以時集男女禮拜其所奉曰天母名瑪利啞抱一嬰兒曰天主爲耶穌被服珍怪障以琉璃望之毛髮生動云漢哀帝時人也

古蕃

卷三

十六

寺有風琴銅絃彈之以和經唄並管簫諸樂器藏機木柜聯以絲繩輪牙相錯一人轉機則諸音並奏有定時台巨鐘覆其上立飛仙台隅爲擊撞形亦以機轉之按時發響起子末一聲至午初十二聲復起午末一聲至子初十二聲晝夜循環無以爽前揭圓樂書十二辰俟某時鐘動則蟾蜍移籌指某位有千里鏡番人持之登高以望舶械杖颿檣可矚三十里外又有玻璃千人鏡多寶鏡顯微鏡小自鳴鐘自行表以及海洋全圖璇璣諸器皆極工巧其人昂鼻蜷髮

目深碧不胸貴女而賤男晝卧而夜起男有黑白二種白者貴黑者爲奴腰佩長刀著地尺許間有握赤藤者則甚貴舉甲四人而已舉中有議事亭番目四人受命于其國更番董市事凡市經四人議衆莫敢違其行賈之地曰馬西以中國絲帛白鉛易胡椒檀香燕木以歸且與馬西約不得以所產市他國康熙辛未馬西背約私與他國市舉人怒駕舸往所市之國責之馬西患之遂裨仇殺死者三百餘人市道中絕稍西曰小西洋去中國萬里半午始至所產有碧

古蕃

卷三

十七

琉璃諸器極西曰大西洋去中國九萬里三年始至往者以其太遠祇就旁島遷販未嘗親至其地也

陸疆

在直隸易州漢書年表景帝封匈奴降王陸疆

爲道侯今縣北一里故道城是按道今涑水縣廢涑水縣在州北四十二里

盧它父

在直隸保定府容城縣南四十里有渾塗城

漢景帝改爲亞谷城封東胡降王盧它父爲亞谷侯在此

昆邪王

在甘肅肅州及甘州府昔月氏之地爲匈奴

所滅匈奴令休屠昆邪王守之漢武帝時昆邪王以衆來降以其地爲張掖酒泉郡按郡即羌人通譯之路入月氏大夏皆由此

渾邪王

今甘肅安西州燉煌縣本匈奴渾邪王分地

漢元鼎六年置燉煌郡

休屠王

今甘肅涼州府本匈奴休屠王地休屠敗漢

元狩二年置武威郡金日磾其太子也

古蕃

卷三

十八

薄海番城錄

蠻部一

山左武定邵大緯星巖氏述

渤海大氏

在燕州今直隸永平府撫寧縣置守在幽

州幽都縣今順天府宛平領靺鞨本粟末靺鞨種也稱渤海大氏隋北番風俗記初開皇中粟末靺鞨與高麗戰不勝有厥稽部渠長奚地稽首者率忽賜來部窟奚始部越稽蒙部越羽部步護賴部破奚部步步括利部凡八部勝兵數千人自扶餘城西北今開原舉部落向關內附處之於營州柳城即撫寧場帝

蠻部

卷四

八年爲置遼西郡並置遼西懷遠盧河三縣以統之以奚厥稽爲太守理營州東二百里汝羅城亦撫寧境後遭邊寇侵掠又寄理于營州城內即撫寧城唐武德二年改遼西郡爲燕州仍置總管六年自營州徙居幽州城內今宛平歷代襲爲燕州刺史建中初爲朱滔所破尋滅按寰宇記自燕州以下有十七州皆東北蕃降胡散處營州幽州界內以州名羈縻之無所役屬安祿山之亂一切驅之爲寇遂擾中原至德之後入據河朔其部落之名無存焉者今記唐天

寶之故跡地理于左威州隸幽州大都督所領戶契
丹內稽部落慎州初隸營州領涑洙靺鞨烏素固部
落後隸幽州歸順州置爲契丹松漠府彈汗州部落
元州處契丹李去間部落隸幽州崇州處奚可汗部
落隸營州都督巨賓州處靺鞨愁思嶺部落初隸營
州後隸幽州師州領契丹室韋部落初隸營州改隸
幽州鮮州分饒樂郡都督府奚部落隸營州後改幽
州帶州處契丹乙失韋部落隸營州後改幽州黎州
處浮渝靺鞨烏索回部落隸營州沃州處契丹松漠

蠻部

卷四

二

部落隸營州改幽州昌州領契丹松漠部落隸幽州
歸義州處海外新羅隸幽州瑞州處突厥烏突汗遼
于部落隸幽州信州處契丹失活部落隸幽州

室韋靺鞨

在營州柳城縣北今錦州府寧遠州後魏

末通焉西北與奚接界北與契丹接界按隋書室韋
有五部並無君長人衆貧弱突厥沙鉢略可汗嘗以
吐屯蕃廷統領之契丹之別種也南室韋在契丹北
三千里又北行十一日至北室韋鉢室韋在北室韋
之北深末怛室韋在北室韋之西北大室韋在建河

之南深末怛室韋之西北也按後魏書自契丹路經
噶水蓋犢子山其山周廻三百里又經屈利水兩水
始到其國北室韋分爲九部落其渠帥號乞莫賀咄
氣候最寒冬則入山居土穴中牛畜多凍死又北行
千里至鉢室韋依胡布山而住人衆多于北室韋不
知爲幾部落用樺皮蓋屋餘同北室韋從鉢室韋西
四日行至深末怛室韋因水爲號也冬月穴居以避
大陰之氣又西北數千里至大室韋徑路險阻言語
不同尤多貂鼠青鼠北室韋後魏及隋並朝貢有九

蠻部

卷四

三

部焉所謂嶺西室韋北室韋黃頭室韋大如者室韋
小如者室韋訥婆高室韋訥北室韋駱駝室韋並在
柳城郡之東北近者三千五百里遠者六千二百里
延陀部落 寄寧朔縣今陝西榆林府榆林舊置達渾
都督府管小州五姑衍州步訖若州嶧彈州鶻州低
栗州戶一百二十七

畧陽氏

在興州今陝西漢中府畧陽縣戰國爲白馬

氏之東境漢武帝以白馬氏分置武都郡今甘肅階
州縣即武都郡之沮縣也晉永嘉末氏人楊茂搜自

號氏王據武都自後郡縣荒廢而茂搜子孫承嗣爲
氏王其後楊難當又據下辨今階州成縣自稱大秦
王弟伯宜爲茹蘆王伯宜孫鼠分王武興即今縣理
是也楊鼠旣王武興又得武都河池二縣之地鼠子
集始稱藩于後魏後復叛魏遂廢武興爲藩鎮

鳳州氏

在鳳州今陝西漢中府鳳縣其地本氏羌所

居漢建安中有楊騰爲部落大帥騰子駒勇健多計
畧始居仇池今甘肅秦州徽縣一名仇池玉京武帝
封楊盛爲武都王其子元及難當亦相繼爲王文帝

蠻部

卷四

四

元嘉十八年難當偃國入寇規有蜀土遣裴方明討
之難當奔後魏太平真君二年拓定仇池于此城立
鎮

文州氏

今甘肅階州文縣周雍州之境戰國時氏羌

據焉漢武帝開西南夷置陰平道凡邑有蠻夷曰道
永嘉之後羌虜楊茂搜據此郡自後不爲正朔所領
南史謂志悉無錄土風習俗半襍氏羌婚娶頗秦中

土

月氏

在鄯州湟水縣今甘肅西寧府碾伯寰宇記湟

中月氏其先大月氏之別也舊在張掖酒泉地月氏
王爲匈奴所殺餘種分散西踰葱嶺其羸弱者
南入山依諸羌居及霍去病破匈奴取西河地開湟
中縣築令居塞即此以其地屬金城郡今蘭州于是
月氏來降與漢人錯居雖依附縣官而首施兩端亦
以父名母姓爲種其大種有七勝兵合九千餘人分
居湟中

西羌 在會州會寧縣今甘肅蘭州府靖遠禹貢雍州
之域古西羌地

蠻部

卷四

五

五部羌 在甘肅階州本漢氏羌地置武都郡後魏平
仇池羌屬改石門縣郡國志武都沮水之西有角弩
谷即姜維勦五部氏羌之所

河曲羌 在姑臧今甘肅涼州府武威縣即西戎之地
禹貢謂析支渠搜西戎即敘析支在大宛之北即今
祁也六國至秦爲月氏居焉地理志西羌者自賜支
以西賓河首左右居今河關西可千餘里有河曲羌
謂之賜支即古析支

宕昌羌 在宕州今甘肅鞏昌府岷州秦漢魏晉諸羌

處之亦三苗之裔與先零燒當罕开諸部性別自立
酋帥皆有地分不相統攝宕昌其一也後魏招撫四
夷統有其地後魏書梁彌忽者宕昌羌也其先常爲
羌豪祖勒自稱宕昌王彌忽世祖時表求內附世祖
嘉之拜彌忽爲宕昌王其後遂相傳襲稱藩于魏因
封其地爲宕昌蕃俗無文字但候草木榮落以記歲
時

廓州羌

在廓州今甘肅西寧府西寧縣自春秋至漢

初亦西羌地漢宣帝時諸羌數叛趙充國屯隴西諸

蠻部

卷四

六

羌不敢動按後漢段熲傳延熹二年燒當燒何當煎
勒姐等八種羌寇隴西金塞追討南渡河大破之至
永康元年諸羌復反熲又追及大破之西羌于是弭
定建安中分金城置西平郡此地即西平南界

爰劍羌

在松州今四川龍安府松潘廳爰劍諸羌居

焉後漢書西羌傳西羌之本出自三苗蓋姜姓之別
其國近南岳及舜流四凶徙之三危今河關之西南
羌地是也濱于賜支至于河首綿地千里賜支者禹
貢所謂析支者也王政修則臣附德教失則寇亂本

無君長夏末及商周之際或從侯伯征伐有功天子
爵之以爲蕃服羌無弋爰劍者秦厲公時爲秦所執
以爲奴隸未詳爰劍何戎之別也後得亡歸與劍女
遇合于野遂成夫婦女恥其狀被髮覆面羌人因以
爲俗遂居亡入三河間今甘肅蘭州鞏昌二府之西
南衆羌共畏事之推以爲豪涅河間羌人謂奴爲無
弋以爰劍嘗爲奴隸因名其後世世爲豪秦穆公時
爰劍曾孫忍將其種人南出賜支河其後子孫各自
爲種或爲犛牛種越犛羌是也或爲白馬種廣漢羌

是也或爲豺狼種武都羌是也至爰劍曾孫忍及弟
舞獨留涅中忍生子研故羌中號其後爲研種漢景
帝時研種留何求守隴西塞于是徙留河等于狄道
安置及武帝西逐諸羌乃渡河涅築令居塞始置護
羌校尉從爰劍種五世至研研最豪健以研爲種號
十三世至燒當復豪健其子孫更以燒當爲種號漢
良者燒當之元孫時王莽末四夷內侵及莽敗衆羌
還據西海光武復置護羌校尉自燒當至滇良世居
河北大允谷種小人貧而先零卑湍並皆強富數侵

犯之滇良父子積怨從大渝中掩擊先零卑湟大破之掠取財畜奪居其地大小渝中由是始強滇良子滇吾立部落轉盛嘗雄諸羌在晉內附後爲西魏所有

隴西羌 今甘肅鞏昌府隴西縣漢明帝時金城隴西羌反于臨洮今岷州道險車騎不得方輒馬援設奇兵破之築索西城以屯戍軍士

疊州羌 在疊州今甘肅階州文縣歷代爲諸羌所據周建德六年西逐諸戎始有其地

蠻部

卷四

八

惹諾羌

在甘肅安西州燉煌縣西西域之南山中從

娒羌西至惹嶺有月氏餘種惹諾羌白馬羌黃牛羌

各有酋豪其黃牛羌種類孕身六月而生南與白馬

羌鄰並魏時聞焉按梁載言記云娒羌王號去胡來

王土地十三州志云娒羌國濱滯南山西有惹嶺餘

種或虜或羌戶口甚多也在古不立君臣無分長幼

強則分種爲酋豪弱則爲人附落更相抄暴以力爲

雄

黨項羌

占析支之地今甘肅涼州府武威縣漢西羌

之別種晉魏已降西羌微弱周滅宕昌劉至之後党
項始強南襍眷桑迷桑等羌北連吐谷渾其種每姓
自別爲部落一姓之中復分爲一小部落大者萬餘
騎小者數千騎不相統一有細封氏費聽氏姓利氏
頗超氏野律氏房當氏米禽氏拓拔氏而拓拔最爲
強族唐貞觀間遣使開其河曲地爲六十州內附者
三千萬口有羌首拓拔赤辭者甚爲渾王伏允所暱
與之結婚屢抗官軍後與其從孫子頭並率服以松
州都督府羈縻存撫之今四川龍安府松潘廳賜姓

蠻部

卷四

九

李白是從河首積石以來並無中國之地後吐蕃強
盛拓拔漸爲所逼請內徙始移部落于慶州今慶陽
府又有黑党項在赤水之西首領號熟善王其雪山
党項姓破丑氏在雪山之下唐貞觀初皆來朝貢又
有白狗眷桑白蘭等諸羌自龍朔以後並爲吐蕃所
破而服屬焉其人多壽年至百五六十歲無文字但
候草木以紀歲時其後居慶者號爲東山部落居夏
州者號爲平夏部落按夏州今陝西榆林府懷遠縣
漢之朔方縣也舊置雲中都督府有部落在朔方縣

界管小州五合利州思壁州阿史那州緡部州白登
州戶一千四百三十又呼延州都督府党項部落亦
寄朔方縣界管小州三賀魯州那言州跌跌州戶一
百五十五

鄧至羌

在甘肅鞏昌府岷州南羌之別種也後魏時

輿焉有像舒治者世爲白水首因地名號自稱鄧至
王自舒治至十世孫舒彭附于後魏文帝封甘松縣
子又數世西魏恭帝移其子檐術因亂來奔周文帝
遣兵送還自後無聞

蠻部

卷四

十

湟中羌

在鄯州湟水縣今甘肅西寧府碾伯古西戎

地按西羌傳無弋爰劍者爲秦所執後藏于巖穴中
秦人焚之有景象如虎爲其蔽火得免遂亡入三河
間諸羌以爲神共畏事之推爲豪至爰劍曾孫忍季
父印畏秦人之威遂得其部落而南出賜支河曲西
數千里與衆羌絕遠不復交通子孫分別各自爲種
忍及弟舞獨留湟中忍生九種舞生十七種羌之興
從此起矣其俗全是吐谷渾可汗子孫其先是狼種
今旌旗皆有狼形備衛人亦稱附離即彼謂狼也夷

言謂左衽射袴不開襜爲寒故也

白水羌

在松州嘉誠縣今四川龍安府松潘廳後魏

時白水羌像舒理者常爲羌豪據此城自稱鄧至王至舒彭內附拜龍驤將軍及關中亂乃絕後魏末平鄧至蕃始統有其地按唐天寶十二年松州都督府一百十四州共二十五州有額戶口多但羈縻逃散餘七十九州皆生羌部落或臣或否無州縣戶口但羈縻之而已

臨塗羌

在四川茂州唐武德元年歸附置羈縻塗州

蠻部

卷四

十一

又貞觀五年生羌歸附置炎州向州冉州穹州又西羌首領董調貞歸化置徹州七年白狗羌降附置笮州皆屬茂州都督永徽後又析爲三十一州

霸州羌

在羈縻霸州今四川茂州襍谷廳境內唐天

寶元年因招附生羌置靜戎郡便以羌附首董嘉俊爲刺史領七部族把蕃卓子孫相承不絕乾元間改霸州部族男兒氍帽青毛爲衫袴緋毛爲襪胡盧鞞白水婦人帶草綾二尺如扇子用竹作扇骨衣青毛衫着青毛裙不着褲

白狗羌

在維州今四川茂州雜谷廳漢以前本徼羌

冉駝之別種蜀漢後主時姜維馬忠督將軍張嶷北

討汶山叛羌即此地有勝兵一千與會州連接今甘

肅蘭州府靖遠縣與白蘭俱唐初朝貢武德七年白

狗羌首鄧賢佐內附乃于姜維壘置維州貞觀元年

賢佐叛罷郡縣三年左上封生羌首董屈占等舉族

表請置吏因復置維州顯慶中白蘭爲吐蕃所併收

其兵以爲軍鋒貞元中王迥羅護又與友國等詣劍

南西川節度使韋臯內附詔授護大常卿兼保州司

蠻部

卷四

十二

馬後子孫承襲其裔

栗亭羌

在成州栗亭縣今甘肅階州成縣有廢上祿

縣宋分西山五羌爲十二部由是郡邑成焉

五溪蠻

在湖南辰州府水經注武陵有五溪謂雄溪

楠溪酉溪瀘溪辰溪也皆蠻夷子孫所居謂之五溪

蠻元和志辰州蠻戎所居其人皆槃瓠子孫或曰巴

子兄弟立爲五溪之長在酉溪在州西次南武溪次

南沅溪次南辰溪次東南熊溪次東南朗溪其熊朗

二溪與水經注雖不同推其次第相當則五溪盡在

今辰州界也按土俗雄作能楠作朗無作武後漢書
高辛氏有畜犬曰槃瓠帝妻以女有子十二人皆賜
名山廣澤其後滋蔓今長沙武陵是也光武時尤盛
其渠帥精夫相單程等據險爲寇精夫蠻爲渠帥者
也遣劉尚發兵萬餘人沂沅水入武陵擊之今瀘溪
縣山深水急舟船不得上蠻緣路邀戰漢軍皆沒後
遣伏波將軍馬援等至臨沅擊破之其單程等悉降
蠻平按太平寰宇記謂五溪蠻在四川酉陽州彭水
縣謂酉辰巫武沅等五溪相傳楚子滅巴巴子兄弟

蠻部

卷四

十三

五人流入五溪各爲一溪之長一謂五溪蠻皆槃瓠
子孫自爲統長故有五溪之名古謂之蠻蜒聚落按
槃瓠廟在瀘溪縣西一百八十里武山

沔中蠻

在湖北漢陽府沔陽州漢爲南郡地光武二

十三年南郡澹山蠻雷遷等始反叛武威將軍劉尚
討破之徙其種七千餘口置江夏界中其後沔中蠻
是也廩君之裔按漢之江夏郡今竟陵富水安陸齊
安漢陽江夏蘄春郡地

板楯蠻

在巴郡今四川重慶府即賓人族人之類也

其渠帥羅樸督鄂度夕襲七姓不輸租稅餘戶乃歲入錢口四十巴人呼賦爲賓謂之賓人焉世號爲板楯蠻漢靈帝時叛詔赦之自巴西之宕渠遷于漢中楊車坂抄掠行旅號爲楊車巴魏武尅漢中李持祖將五百家歸之後又遷于畧陽北復之爲巴氏

黔州蠻

在黔州今四川酉陽州歷古蠻夷之地左傳

庸人率羣蠻叛楚即其地武陵五溪蠻之西界也襍居溪洞其性獷悍其風湣祀禮法之道固不知之

西陽蠻

在湖北黃州府黃岡縣宋孝武大明中西陽

蠻部

卷四

十四

蠻皆反叛沈慶之率江雍荆河州諸軍討破之明帝順帝時尤甚雖遣兵攻討終不能禁荊州爲之虛

西溪蠻

在湖南常德府武陵縣齊高帝時武陵西溪

蠻田思飄及武帝永明初黔陽蠻田豆渠湘州蠻陳雙李答並掠州郡討平之當南北之時淮汝江淮間諸蠻渠帥互有所屬皆授封爵焉然叛服無常雖屢經破敗而寇攘不止後周武帝詔陸騰討之蠻衆大潰斬首萬餘級乃收其骸骨于水邏城側築爲京觀後蠻輒望見輒大哭自此狼戾之心輟矣按後漢書

其在黔中五溪長沙間者則爲盤瓠之後其在峽中巴梁間者則爲廩君之後其後衆種繁盛侵擾州郡或移徙交禩亦不得詳別焉

牂柯蠻

在貴州貴陽府貴筑縣渠帥謝氏舊臣中國

世爲本土牧守隋末大亂遂絕唐貞觀三年其酋長謝龍羽遣使朝賀授爲牂柯刺史封夜郎公勝兵戰士數萬于是列其地爲牂州爲黔州爲牂州即今省治後爲正郡又有充州蠻乃牂柯別部與牂柯隣境有勝兵二萬亦爲黔州羈縻州黔州今四川酉陽州

蠻部

卷四

十五

彭水縣

夷州蠻

在夷州今貴州石阡府古外蠻夷荒徼之地

漢爲牂柯郡地歷代恃險不聞臣附隋大業七年始招慰置綏陽縣今龍泉縣也風同黔中而蠻夷之俗頗有不同

濮落蠻

在雲南楚雄府鎮南州唐時濮落蠻之所居

地也

烏麼蠻

在雲南臨安府建水縣及石屏州唐時烏麼

蠻所居地

烏白蠻

在雲南雲南府安寧州唐武德初置後烏白

蠻遷居于此

爨刺蠻

在雲南曲靖府尋甸州昔爨刺蠻居此後烏

蠻新丁奪之

羅落蠻

在雲南北勝州今永北廳唐貞元中南詔異

牟尋始開其地名北方賧徙瀾河白蠻及羅落麼些

實其地號曰劍羌

麼些蠻

在雲南澄江府新興州南昔麼些蠻步雄之

所居地

蠻部

卷四

牛賧蠻

在雲南麗江府鶴慶州蠻名牛賧府城蠻又

名三賧

南平蠻

在渝州今四川重慶府綦江南川二縣地北

與涪州接按即南詔蠻部落四千餘戶山有毒草及

沙蝨蝮蛇人並樓居登梯而上號爲干欄其王姓周

氏號劍務王唐貞觀間入貢以其地隸渝州其人美

髮爲椎髻土多男少女爲婚之法女氏必先以貨求

男族貧人無以嫁女多賣與婦人爲婢俗皆婦人執

役

東謝蠻

在黔州之西數百里今貴州平越州餘慶縣

境南蠻別種渠帥姓謝氏即謝元深也世襲其子族
不育女自云高姓不可下嫁唐貞觀三年元深入朝
冠烏熊皮冠若今之旄頭以金絡額身披毛帳韋皮
行膝而着履時中書侍郎顏師古奏言昔周武王天
下太平遠國歸順太史乃集其事爲王會篇今萬國
來朝至如此輦實可圖爲今請撰王會圖詔從之開
其地爲應州隸黔都督府即黔州所管羈縻州也又
有南謝首領謝疆與西謝蠻隣接與元深俱來朝

蠻部

卷四

十七

西趙蠻

在雲南雲南府之東東至夷子西至昆明南

至西洱河風俗與東謝同在其南並南蠻別種其界
山洞深阻莫知里數南北十八日行東西二十三日
行趙氏代爲酋長有萬餘戶自古不通中國唐貞觀
中入朝以其地置明州以首領趙磨爲刺史

梅山蠻

在湖南長沙府安化縣蠻夷傳梅山蠻恃險

爲患宋神宗命章惇招納之檄諭開梅山得其地
籍其民戶口丁田置安化縣

環州蠻

在雲南武定州西一百九十里元謀縣宋時

之蠻名也

松外諸蠻

今四川松潘廳唐貞觀末爲寇遣兵從西

洱河討之其西洱河從嵩州四千五百里今寧遠府越雋廳其地有數十百部落大者五六百户小者二三百户無大君長有數十姓以楊李趙董爲名家各擅山川不相役屬自云其先本漢人有城郭封邑弓矢矛鋌言語雖小訛舛大畧與中夏同有文字頗解陰陽算術以十二月爲歲首自夜卽溟池以西皆云莊蹻之餘種也其俗有盜竊殺人淫滅之事酋長卽立一長木爲擊鼓警衆共會其下其強盜者衆共殺之若賊富強但燒其屋奪其田產而已

巫蠻

在四川夔州府巫山縣漢和帝永十三年巫

蠻許聖等以郡收稅不均反叛發荊州諸郡郡兵討破之後悉徙置江夏靈帝光和三年江夏蠻復叛寇累年盧江太守擊破之皆廩君之裔也按廩君始生自武落鍾離山即夷陵屬邑之地今湖北宜昌府後散居巴梁間即古荆梁之境五姓雜居大約今爲巴峽巫夔四郡皆是也

蠻部

卷四

十一

和夷

在四川雅州府榮經縣禹貢和夷底績和夷和

上夷所居之地即和川水在縣北九十里蔡傳以夷

爲嚴道以西之夷道非是書說云嚴道以西地名和

川夷人所居乃爲得之嚴道即榮經

濮夷

在雋州今四川寧遠府越嶲廳九州要記在郡

界千里常居木上作屋有屋長二寸若損尾立死者

欲地上居則預窟穴以安尾

文夷

在四川寧遠府境按九州要記雋州西夷人身

青而有文如龍鱗生于臂脛之間將婚會于路歌謠

蠻部

卷四

十九

感合以爲夫婦焉又有穿鼻僚耳種瘴氣有聲着人

人死着木木折號曰鬼巢

閩夷

今福建福州府閩縣開元錄閩縣越州地即古

東甌今建州亦其地皆夷種有五姓謂林黃是其裔

十道志嗜欲衣服別是一種

獠夷

在康州瀧水縣今廣東肇慶府德慶州南越志

有夫張縣其俗棚居實爲里之氓落也民夷曰獠夷

也夫張今羅定州

孤夷

在藤州鐔津縣今廣西梧州府藤縣郡國志孤

夷獸名也有兩牙長二寸餘食人性喜人掌蹠得人
即懸之室內當面鋪坐擊鐘鼓歌舞飲酒稍割而啖
之方于農時獵人以祀田神

化州夷

今廣東高州府化州夷俗悉是椎髻左衽漢

書云荆人鬼話

蘓祁夷

在嶺州蘓祁縣今四川寧遠府西昌蘓祁夷

名也後周武帝開越嶺復于郡舊城立蘓祁縣以蘓
祁之夷爲邑名

西屠夷

在交趾今譙安南馬援開漢南境于交趾南

蠻部

卷四

二十

西海行三千里置日南郡其林邑國即日南郡之象林

縣去郡四百餘里其南水步道二千餘里有西屠夷

亦稱王即馬援所置兩銅柱表漢界處援旣北還留

十餘户于銅柱處至隋有三百餘户悉姓馬土人以

爲流寓號曰馬留人銅柱尋沒馬留人嘗識其處

昆明夷

在嶺州昆明縣南今四川寧遠府塩源蓋唐

以南接昆明之夷因以名縣

木耳夷

在嶺州今四川寧遠府越嶺廳有木耳夷死

則積薪燒之烟正則大殺牛羊相賀以作樂若遇風

烟旁散則大悲哭

越也夷

在太平軍石康縣今廣東廉州府合浦夷人

號越奄多採珠及甲香爲業親戚宴會即以匏笙銅

鼓爲樂

容州夷

今廣西梧州府容縣十道志夷多夏少鼻飲

跣足好吹葫蘆笙擊銅鼓習射事弓弩郡國志此地

多瘴氣春曰青草夏曰黃茆

藤州夷

今廣西梧州府藤縣郡國志夷人死往往化

爲羆貙少虎也其初穴棺如鼠漸如狗大並是人肝

蠻部

卷四

二十一

所化也

烏澗夷

在廣西桂林府陽朔縣郡國志在深山洞內

能織文布以射翠取羽割蚌取珠爲業無親戚重寶

貨賣子以接衣食若有賓客易子而烹之竹皇之裔

竹皇者女子浣衣水次有三節竹入足間推之不去

中有聲破之得一男養之有材武遂雄諸夷地今寧

州始興三狼烏澗即其裔也又鬱林州亦有之漢谷

永爲鬱林太守降烏澗人十萬開置七縣此鬱林縣

也在鬱江之西

鬱林夷今廣西鬱林州夷人居山谷食用手搏酒名
都林合糟共飲夜泊縱淫死則打鼓助哀孝子尤恐
悲泣刻木契焉

黨峒夷在廢黨州今廣西鬱林有古黨峒夷人索婦

必令媒引女家自送相見後即放女歸家任其野合
胎後方還前生之子例非已孕女以烏色相間爲裙
用緋點裳下或要領處爲冶艷男椎髻女散髮跣足
吹笙巢居夜泊

雲南夷雲南舊志諸處之夷種類非一曰僰人曰爨

蠻部

卷四

二十三

雲南人即羅羅有黑白二種曰麼爹曰禿老曰夢門口滿
人曰和泥蠻曰百夷又有小百夷曰土獠曰羅舞曰
撒摩都曰摩察曰濃人曰山後人曰哀牢人曰蛾昌
蠻曰懈蠻曰魁羅蠻曰傳尋蠻大抵滇南之夷皆此
數種其習俗各不相同

貴州夷貴州舊志貴州所轄夷人種類非一曰羅人

曰宋家曰蔡家曰仲家曰龍家曰曾竹龍家曰打牙
狃狃曰紅狃狃曰花狃狃曰東苗曰西苗曰紫薑苗曰
賣命苗習俗各異

維西夷

在雲南麗江府今設維西通判按滇夷種多

而俗異性殊擺衣柔狡沙人剛戾羅羅愚痴怒子善
記仇數世猶報各居巖穴能涉險或刀耕火耨或射
獵爲食皆難以禮法繩惟麗郡中甸維西之把獐獐
獐模獐剽悍奉喇嘛其親死必延喇嘛問之名刀把
或察媽向屍誦經咒刀把謂死者無罪則懸屍山樹
之極巔以風曰天葬謂有罪則籠屍沉諸江曰水葬
或割屍飼禽獸而火其骨截脛骨作筒吹之曰火葬
者皆梵書捨身餵鷹虎之說也然各種多食生且有

蠻部

卷四

二十三

叟生蛇者男女皆佩刀習鏢弩好鬥輕生服飾詭異
難以筆罄自設流官有戍守管學宣能化導草殘骸
之俗偉哉我

朝宏化之遠也

08765

